

*Fretum Ma-
gellanicum unde
dictum.*

EThac de *America Meridionali*: restat paucis explicandum *Fretum Magellanicum*, vulgo *Estrecho de Magellanes*. Nomen ei a *Magellano*, cui hujus Freti inventio debetur. Cuius consilium de Insulis Moluccis inveniendis navigatione Occasum versus instituta, alias diximus. Is *xxi v Augusti* quum primum Maris procellæ mitescere inciperent solvit ex Sinu *D. Juliani*, in quo aliquamdiu hæserat non tam fluctuum, ventorum atq; hyemis, quam dissidiorum intestinorum inter *Castellanos & Portugallenses* tempestatibus exagitatus. Postquam aliquor dies Austrum versus navigasset, ventum est ad Promontorium *S. Crucis*. Hic una navis ad littus elisa est, salvis tamen vectoribus, armamentis & mercibus. Inde cum observaret littora ab Austro in Orientem paullatim defletere, spes facta est Freti consequendi. Itaque *xxvi Novembris* fauces quædam detectæ sunt, quas cum quatuor navibus reliquis ingressus est *Magellanus*. Hic in Sinu quodam operiri placuit, & naves tres præmittere quæ viam tentarent, referrentque siquid visum a se observatumque esset. Harum una quæ Fratrem Magellani *Alvarum Meschitam* vehebat, elapsa Oceanum repetijt, & directo in Septentrionem cursu in *Æthiopiam*, inde in *Hispaniam* delata, octavo mense post socios desertos, *Alvarum* captivum Imperatori *Carolo Castellæ Regi* stirit. Altera navis Sinum tantum esse retulit, & quidem vadosum. Tertia adfirmavit esse Fretum, observato fluxu Maris & refluxu. Mensis erat *November*, nox horarum quinque præter propter. Dextra lævaque in littore solitudo, mortales nulli: nisi quod in parte sinistra conspecta magna ignium copia. Hæc causa fuit cur & regionem illam vocarent *Terram del Fuego*, & judicarent se ab Incolis esse conspectos. *Magellanus* duabus navibus hoc modo amissis, tres reliquas prout ferebat tunc rerum occasio instruxit, & lustratis probe rebus omnibus, secundo & vicesimo die postquam Fretum ingressus fuerat delatus est in aliud Mare, quod a tranquillitate vocavit *Mare del Sur*. Ceterum Fretum hoc altissimis undique rupibus cinctum, *cxx pass. millia* in longitudine occupat: vel secundum alios *lxxvi milliaria*: Latitudo non responder, neque usquam sui similis est, aliquando duo aut tria, nonnumquam decem aut quinque milliaria patet, quaque angustissimum est, unius milliaris spatio concluditur. Ipse Septentrio ex Orientis latere inter utriusque terræ angustias per septuaginta & amplius passuum millia in vectus, australibus undis miscetur, quæ ab Occidente promontorijs illis desseadis sive desyderatis insinuatæ. Septentrionalibus Aquis occurrunt, magnoque inter se molimine concurrentibus undis, horrendo fragore totum in spumas vertitur Mare. Placidius Auster fluit refluitque, nam Occidentis hæc pars cum incredibilis sit profunditatis, extenuatisque passim littoribus majorem in modum terra sese aperiat, quietum fluitanti Mari accessum præbet. Sed Orientale huius freti littus, vadis brevibusque infestum, interjacentibus pluribus Insulis, frequentibus æstibus agitur & ingentes aquarum motus ciet: littora altissimis arboribus confita.

Situs.

Porro